



# Riante zummervilla

n Lekkere klucht in drij bedrieven

deur

**JOHAN E. G. RUITER**

TONEELUITGEVERIJ VINK B.V.  
(Grimas Theatergrime verkoop)

Tel: 072 - 5 11 24 07

E-mail: [info@toneeluitgeverijvink.nl](mailto:info@toneeluitgeverijvink.nl)

Website: [www.toneeluitgeverijvink.nl](http://www.toneeluitgeverijvink.nl)

## VOORWAARDEN

Alle amateurverenigingen die het stuk: **RIANTE ZUMMERVILLA** gaan opvoeren, dienen in alle programmaboekjes, posters, advertenties en eventuele andere publicaties de volledige naam van de oorspronkelijke auteur: **JOHAN E. G. RUITER** te vermelden.

De naam van de auteur moet verschijnen op een aparte regel, waar geen andere naam wordt genoemd.

Direct daarop volgend de titel van het stuk.

De naam van de auteur mag niet minder groot zijn dan 50% van de lettergrootte van de titel.

U dient tevens te vermelden dat u deze opvoering mag geven met speciale toestemming van het I.B.V.A. Holland bv te Alkmaar.

**Copyright: © 2004 Anco Entertainment bv - Toneeluitgeverij Vink bv**

**Internet: [www.toneeluitgeverijvink.nl](http://www.toneeluitgeverijvink.nl)**

**E-mail: [info@toneeluitgeverijvink.nl](mailto:info@toneeluitgeverijvink.nl)**

Niets uit deze uitgave mag verveelvoudigd en/of openbaar gemaakt worden door middel van druk, fotokopie, verfilming, video opname, internet vertoning (youtube e.d.) of op welke andere wijze dan ook, zonder voorafgaande schriftelijke toestemming van I.B.V.A. HOLLAND bv te Alkmaar, welk bureau in deze namens de Uitgever optreedt.

Het is niet toegestaan de tekst te wijzigen en/of te bewerken zonder voorafgaande schriftelijke toestemming van I.B.V.A. HOLLAND bv te Alkmaar, welk bureau in deze namens de Uitgever optreedt.

Vergunning tot opvoering van dit toneelwerk moet worden aangevraagd bij het Auteursrechtenbureau **I.B.V.A. HOLLAND bv**

Postbus 363

1800 AJ Alkmaar

Telefoon 072 - 5112135

Website: [www.ibva.nl](http://www.ibva.nl)

Email: [info@ibva.nl](mailto:info@ibva.nl)

ING bank: 81356 – IBAN: NL08INGB0000081356 BIC: INGBNL2A

**Geen enkele andere instantie dan het IBVA heeft de bevoegdheid genoemde rechten van u te claimen, of te innen.**

Auteursrechten betekenen het honorarium (loon!) voor de auteur van wiens werk door u gebruik wordt gemaakt!

Auteursrechten moeten betaald worden voor elke voorstelling, dus ook voor try-outs, voorstellingen in/voor zorginstellingen, scholen e.d.

#### **Vergunning tot opvoering:**

1. Aankoop van minimaal **8** tekstboekjes bij de uitgever.
2. U vult het aanvraagformulier in op [www.ibva.nl](http://www.ibva.nl) of u zendt de aanvraagkaart (tevens bewijs van aankoop), met uw gegevens, naar I.B.V.A. Holland. Uw aanvraag dient tenminste **drie weken voor de eerste opvoering** in bezit te zijn van I.B.V.A. Holland.
3. U krijgt daarop de nota toegestuurd. Na betaling wordt u de vereiste vergunning toegestuurd.

#### **Vergunning tot HER-opvoering(en):**

1. U vult het aanvraagformulier in op [www.ibva.nl](http://www.ibva.nl) of u zendt de aanvraagkaart met uw gegevens naar I.B.V.A. Holland. Uw aanvraag dient tenminste **drie weken voor de eerste opvoering** in bezit te zijn van I.B.V.A. Holland.
2. U krijgt daarop de nota toegestuurd. Na betaling wordt u de vereiste vergunning toegestuurd.

**Opvoeringen zonder vergunning zijn niet toegestaan en strafbaar op grond van de Auteurswet 1912. Zij worden gerechtelijk vervolgd, terwijl de geldende rechten met 100% worden verhoogd. Het tarief wordt met 20% verhoogd voor opvoeringen waarvoor geen toestemming werd aangevraagd binnen drie weken voorafgaand aan de voorstelling.**

**Het is verboden gebruik te maken van gekregen, geleende, gehuurde of van anderen dan de uitgever gekochte tekstboekjes.**

**Rechten BELGIË: Toneelfonds JANSSENS, afd. Auteursrechten,  
Te Boelaerlei 107 - 2140 Bght ANTWERPEN Telefoon (03)3.66.44.00.  
Geen enkele andere instantie heeft de bevoegdheid genoemde rechten  
van u te claimen, of te innen.**

## **ROLVERDAILEN:**

Derk - Campinggast

Trijn - Zien vrouw

Jannes - Campinggast

Betje - Zien vrouw

Marinus - Omswinder

Grait - Schoonmoakster

Kitty - Campinggast

Willy - Heur vrundinnegie

## **DECOR:**

Het teneel stelt n zummerhoeske veur. 't Is n aarmoudege aanklaiden en der liggen proppen pepier op grond, bierflezzen op toavel, n ofvalemmer, körtom, t is n zootje. Rechts n deur noar sloapkoamerke en wieder n toavel met vaaier stoulen. Links deur noar de keuken en noar boeten, achterin n deur noar boeten. Op t berre in t sloapkoamerke n olle pitpude.

## EERSTE BEDRIJF

Derk en Trijn komen binnen met moderne koffers.

Derk: Zo, treedt binnen in deez riante en keurige... eh... onderhou... den villa?

Trijn: Doe gaaist mie toch nait vertellen dast doe dit heard hest???

Derk: (*kikt rond*) Nee, dit heb ik zeker nait heard. Ik heb nummer ain en twinteg heard en dit zel den wel n aander nummer wezen (*gaait noar boeten en kikt om houk van deur*) enneh.. dit is nummer ain en twinteg.

Trijn: Hou ken dat nou? Doe hest n riante zummervilla heard en dat liekt der nait op hier. Zitten wie wel op de goie camping?

Derk: Joa wis, want veur bie de weg staat "camping ZON en LICHT" en dat ston volgens mie ook in 'd avvertensie.

Trijn: Of hebben ze die weer ais bie poot had? Doe denkst toch nait asdat ik hier wil kamperen in dit zoodje? Most ais rondkieken, wat of n troep t hier is, bierflezzen op toavel, rommel op de grond. Gatverdarre wat n zoi.

Derk: Zai hebben natuurlieks vergeten om de boudel ais goud te hemmeln. Dat goan zai veurvast nog wel even doun wicht. Wie mouten ze mor ais even opzuiken.

Trijn: Ik wait nait of ik hier wel blieden wil. t Staat mie niks an. En woar mouten wie ons den wel melden? Loaten wie ons geld mor terug vroagen Derk, dit hier is niks.

Derk: Nou loaten wie den eerst mor ais noar de aigender op zuik goan.

Trijn: Woar kenst dij den vinden?

Derk: Dat zel wel bie dij dikke villa wezen veur an de weg. (*Goan soamen of t is even stil en den komen. Betje en Jannes binnen*).

Betje: Zo wie bennen der Jannes, (*kikt ais rond*) nah t zugt der nait slim schoon oet, dat vaalt mie tegen. Ik mainde, dat veurege bewoonders de boudel aaid schier achter mozzen loaten.

Jannes: Is dat zo? Waist doe dat wel goud Betje?

Betje: Doar most wel op reken, dat staat zulfs in de veurschriften.

Jannes: Nou dat liekt der den nait op, mor most ais zain heur koffers stoon der nog, dus zai bennen nog nait vot. Kennen wie heur doar geliek ais even op anspreken, want dit is toch gain doun.

Betje: Zo ist, pak doe ze mor ais even goud an Jannes. Zellen wel weer lu oet t Westen wezen, dij geven nooit aargenswoar om. (*kikt om houk in sloapkoamer*) En most ais kieken, zai hebben heur polten nog op t nust liggen. (*haalt hom op*) En wat n voele

Jannes: Noar t model te kieken liekt t wel n pitpude (*holt hom veur zok roekt der ais an*) Getverderrie, nou as dij lu net zo stinken, den is t gain veurnoam volk. (*kwakt hom achter de keukendeure*) Zo, vot der met. Woar zol dat spul zitten? En most ais zain, n olle stofdouk ligt al veur die kloar (*pakt douk van toavel*) dij ligt hier veurvast al wel n poar joar op die te wachten.

Betje: Ik wait t nait, mor loaten wie mor vast begunnen de boudel wat op te schieren, want as dij lu hier zo roeg leefd hebben, den huiven wie der nait op te reken, dat zai dat zellen doun.

Jannes: Hest geliek maaid, mor ik zel heur domd wel even de oren wassen. Wat mainen zai wel, de swieneputen. (*Zai begunnen de boudel in ofvaalemmer te gooien en Betje slagt met stofdouk over toavel, t stof vlugt der in wolken of, Jan holt kopstubber oet keuken*)

Betje: Most nou toch ais zain Jannes. Hou duurven zai zokswat zo achter loaten. As ik hier boas van de camping was, den kregen zai nog n dikke reken van mie der overhen veur t hemmeln van dat zoodje hier.

Jannes: En as je noar heur kovvers kieken den is de ain nog mooier en moderner as de aander. t Is van boeten bont en van binnen stront, leuf dat mor van mie. (*slagt met kopstubber in t rond*)

Betje: Kiek n bedie oet jong en haauw mie de kop der nait of.

Jannes: Oh, neem mie nait van kwoalieks maaid, dat was nait de bedoulen. Doar neem ik laiver n dikke vedde tude veur en den lekker broaden en oppeuzelen. Hai wicht, t wotter lopt mie alweer in de mond.

Betje: Joa, as t mor met eten te doun het den bist doe der aaid wel bie.

Jannes: Van waarken krieg je honger en ik ben nou toch ook wel schier an t waark, nee den?

Betje: Dat mout ook ja wel as zokse slobbers t zo loaten liggen. De voellakken! (*Trijn en Derk komen weer binnen*)

Trijn: Oh, bennen jullie endelk ais begonnen met t oetmesten?

Jannes: Joa wicht dat ben we. Jullie bennen hier ook op de camping?

Derk: Inderdoad. Zo ken je t wel nuimen. Dit is ons hoeske hier.

Betje: Nou den haren jullie t ook wel ais n bedie beter kennen schoonmoaken. Zo ken je toch gain kwinde achterloaten. Ie bennen ja n stel smeerlappen, wat zeg ik? Dikke zwienen!!

Jannes: Persies, as ie aal joen gasten zo ontvangen, den blief je nait laank bestoan. As je dat mor waiten. (*wiest*) En den zokse dure kovvers, mor boudel schoon achterloaten? Ho mor.

Derk: Ik wait nait woar jullie t over hebben, mor wie hebben dit hoeske huurd en dij zwieneboudel zellen jullie der wel van moakt hebben.

Jannes/Betje: Ie hebben dit hoeske huurd????

Derk/Trijn: Wie hebben dit hoeske heard!!

Jannes: Ie **haren** dit hoeske heard.

Derk: Wie **hebben** dit hoeske heard.

Jannes&Betje: Ken nait.

Derk&Trijn: Dat ken aal.

Jannes: Den zuiken ie mor n aander hoeske, want wie hebben hom al veur t haalfschaid schier moakt.

Betje: Komt niks van in. Wie wazzen hier t eerst.

Trijn: Ie moaken mor gaauw dat je der oet kommen, want wie hebben hom heard en doarmet basta.

Betje: Oh, nee, never nee nooit van zien laank zal e leven nait.

Jannes: Hè? Zeg dat nog ais.

Betje: Never nee nooit van zien laank zal, ach... vent schiet omhoog.

Jannes: Dat hest mooi zegd wicht, mor doar kommen wie der nait met.

Derk: Kiek t zit zo, dat wie hebben nummer 21 heard en ie zellen nummer 12 wel hebben mouten of 121.

Trijn: (*rommelt in heur taske*) Kiek hier heb ik n epistel en doar staat in dat wie nummer 21 hebben.

Betje: (*ook in heur taske*) En ik heb hier aine en doar staat nummer 21 in. Ik denk dat jullie op de verkeerde camping zitten.

Trijn: Waarachies nait. dit is toch de camping "ZON en LICHT"?

Derk: Joa dat klopt.

Jannes: Den zit der ducht mie wat nait goud. (*Deur gaat open en Grait komt der in.*) Oh, doar zel wie de aigender hebben. (*Grait is n stevege vraauw en zai gaat den ook wiedbains stoan, handen in t zied en met n autoritaire stem*)

Grait: En wat denken ie, dat ie hier an t doun bennen? En wat mout je hier?? Nou?

Jannes: Wie denken of beder zegd, wie dochten, asdat wie hier wat heard haren.

Grait: Oh, net. Dus ie dochten, dat je hier dit hoeske heard haren?

Derk: Zo ken je t wel nuimen ja. Vertel ais. Verhuren ie aaltied de hoeskes an meerdere mensen?

Grait: Der bennen hier zulfs hoeskes, woar asdat ie met twaalf man in kennen. Hebben ie doar problemen met?

Derk: Dat zol ik denken. 'n Hoeske twij moal verhuren, dat ken toch zekers nait?

Grait: Met joen houveulen bennen ie?

Jannes: Met zien twijen en zai ook.

Grait: Den kennen der nog acht bie.

Derk: Wie hebben hom heard en zai ook.

Grait: Zeg ik, den kennen der nog acht bie.

Derk: Mor wie hebben niks met heur te moaken. (*Wiest noar Jannes en Betje*)

Jannes: En wie nait met heur. (*wiest weerom.*)

Grait: En ik nait met joe. Dit hoeske is haile nait in de verhuur.

Betje: Mor wie hebben t zwaart op wit, dat wie dizzent huurd hebben.

Trijn: Persies en wie ook.

Grait: Niks der van, dat zol ja fraai wezen.

Derk: Dat zol zeker fraai wezen.

Grait: Den is t ja fraai!

Derk: En den dij troep hier, ie mouten joe schoamen.

Jannes: Persies en wie vroagen ons ook of, waarom asdat t hier zo n smeerboudel is.

Grait: Dat mout even wat aanhemmeld worden.

Jannes: Zeg heur ais vraauw eh....eh,

Grait: Grait is de noam

Jannes: As ie ons zo n hoeske verhuren, den mout je nait denken, dat wie doar genougen met nemen.

Grait: Nou, dat zol ik zeer zekers ook nait doun.

Trijn: Wat main ie?

Grait: Ik heb nummer 31 huurd en ik ben joen noaber op ofstand zo te reken.

Trijn: Oh, ik docht dat ie de aigender wazzen.

Grait: Wat mout ik met zo n kippehok aanvangen?

Betje: Mor woar is de aigender den? Doar veur in dij dikke villa sums?

Grait: Nee, dij lu bennen op vekaansie, mor dij hebben ook niks met dizze camping te moaken.

Betje: En woar kennen wie dij lu den vinden, dij ons dit verhuurd het?

Grait: Gain idee. Ik krieg mien geld aaid over de bank.

Betje: Wat?? krigst doe betoald en wie mouten honderden euro s veur zo n tudehok betoalen?

Grait: Joa kiek, ik ben hier zo te reken schoonmoakster van de toiletgebauwen en zo en ik hol n bedie touzicht. Ik woon hier den zummers groatis met nog n oareg buutsgeldje der bie tou. Dizze staat al joaren leeg al wel n joar of vieve.

Jannes: Gain wonder, dat t der den zo oet zugt.

Grait: Ik heb wel ais heuren vertellen, dat dit t eerste hoeske van de aigender was en dat hai hom doarom zo het loaten stoan. De aandere hoeskes bennen den ook veul mooier en luxer inricht den dizzent.

Derk: Kiek, dat hebben wie weer en hou mout wie der nou met aan?

Jannes: Nou den goan wie toch gewoon in zo n aander hoeske.

Grait: Dij bennen apmoal al verhuurd, dus ie hebben nait veul keus meer, wat zeg ik? Ie hebben haildaal gain keus meer. (*Gaait of*)



Trijn: Wie kennen toch aaid nog weer op hoes an goan Derk?

Derk: En den ik mien centen zeker kwiet? Gain denken aan, wie blieden hier!

Betje: Mor wie ook. As je dat mor waiten.

Jannes: Den zellen wie wat oetvinden mouten, dat wie hier gezoamenlek de tied deurbrengen, wie zitten nou ainmoal in t zulfde schippie.

Derk: Nou goud den. Ik ben Derk.

Trijn: En ik ben Trijn

Jannes: Ikke ben Jannes.

Betje: Den blift Betje nog over en dat ben ik.

Jannes: Mooi, hou doun wie dat met sloaperij?

Betje: Hier in dat lutje koamerke hiernoast staait n vaierpersoons ber, joa dat wil zeggen twij onner en twij boven.

Trijn: Den sloap wie beneden, want ik heb last van hoogtevrees.

Betje: Persies, dat heb ik ook.

Trijn: Nah, den sloapen wie (*wiest op Betje*) baaide beneden.

Derk: En den mout ik met n kerel in ain ber? Gain denken aan, ik wil bie mien aigen wief sloapen.

Jannes: Gaait mie net zo.

Trijn: Hest ja wel heurd Derk, waar asdat de vraauwen sloapen.

Derk: Joa, mor..ik

Trijn: Niks te moaren, zo gebeurd et, doan.

Derk: Den wil ik toch eerst ais kieken hou braaid dat berre is. (*gaait of en Jannes gaait met.*)

Betje: Wat n toustand nait. Zunde dat wie al betoald hebben.

Trijn: Mor wie vroagen ons geld weerom.

Betje: Woar wolst dat vroagen? Bie de postbus?

Trijn: Joa ik wait t ook nog nait, mor zellen wie den eerst ais in t keukentje kieken of der ook aargenswoar n kovviepot staait of zokswat hen? Ik lus nou eerst wel n bakkie leut, doe nait?

Betje: Goud idee. Ik heb n pak kovvie en zokswat bie mie (*pakt dat oet kovver, goan soamen of even stil en den komt Marinus binnen.*)

Marinus: *n Omswinder, dij der slim voel en roeg om kop oetzugt, roege board, lopt in olle klaaier.*) Wat mouten dij kovvers hier nou weer? Even kieken (*dut n kovver open en rommelt der wat in*) Hé, n puut met mollebonen? (*gaait in de buuts*) En dij Grunneger kouk is ook nait te versmoaden en den dizze flezze fladderak, moin dokter! Lu komen denk ik oet stad. (*ook in de buuts. Hai lustert*) Verrek ik leuf dat der ain an komt. (*Dut kovver dicht en moakt dat hai votkomt deur de veurdeur. Even stil en Jannes en Derk komen op.*)

Jannes: Wie zellen t der mor met doun mouten Derk, ik zai gain andere meugelkhaid.

Derk: Mor ja, den heb ik nog wel n aander probleem?

Jannes: Oh, joa?

Derk: Joa, hou zel ik t zeggen? Kiek mien vrouw en ik hebben nog wel ais eh...eh...wie doun nog wel ais..eh...nou ja, waist ja wel.

Jannes: Nou nee, dat wait ik dus nait.

Derk: Ach vent, wor even wakker, wie mouten de netuur wel ais volgen en den goan wie even eh....nou ja.....

Jannes: Noar t huuske.

Derk: Nee man, dij netuur nait.

Jannes: Dij netuur nait? Is der den nog meer netuur?

Derk: Joa vanzulms is der meer.

Jannes: Ben ik den messchain n dompie?

Derk: Nee, ik ben zo'n goochemer, is t nou goud?

Jannes: Nou, ik zol t nait waiten, wat ofst doe bedoulst.

Derk: Wel ais heurt wat n man en n vraauw soamen kennen doun?

Jannes: Oh...., wacht ais even. Ik begriep t aal. Doe mainst, ie doun nog wel ais van eh....Hoema, hoema?

Derk: Persies en dat ken k nait as der aine bie staat, snapst wel?

Jannes: Nee, dat liekt mie ook mor niks. Doar mouten wie den wat op bedenken. Wat dochtst, ast doe s nachts nou ais stiekom noar beneden kropst as elk slept.

Derk: Klain probleem. Mien vraauw slept aaid achterin ber, want zai is baang veur inbrekers. Dus as wie den eh...eh..., nou ja den mout ik eerst over dien vraauw hen kroepen en dat vindt dien vraauw den weer nait goud.

Jannes: Den heb wie der nog n probleem bie, want den wil mienent netuurliks ook nait veur aan liggen. (*Zai denken even noa*) Wie mouten n kanner gewoon even n taikentje geven, zodat d aander n endje ken goan wandelen.

Derk: Wolst doe s nachts den wandeln goan?

Jannes: Nou ik mainde aigenlieks overdag.

Derk: Overdag??? Ie kennen toch nait overdag eh...eh..Hoema, hoema?

Jannes: Joa man, dat gaat haile best heur. Wie hebben al ais n keer, dou wazzen wie in de HEMA en....

Derk: Ho, ho, ho even he. Ik huif nait te waiten hou ie in t rond springen en woar.

Jannes: (*geniet er nog van noa*) 't Was aans hardstikke spannend heur. Mor doe kenst t toch best ais perbaaiern

Derk: Mor mien wief wil aaid t licht der bie oet hebben.

Jannes: Nah, doe huifst t licht overdag toch ook nait an te doun, doe dust gedientjes dicht en hupsakee.

Derk: Den mouten wie eerst nog gedienen goan kopen, want dij zitten der hier nait veur.

Jannes: Doun wie dat dommee toch even. (*Vraauwlu kommen weer binnen met kovvie en koppies met bekers enzo., rommeltje dus.*)

Betje: Zo de kovvie heb wie in elks gevaal wel kloar kregen en hou staait t met joe baaide?

Derk: Joa wie hebben t ook sikkom kloar kregen. Wie mouten nog even noar t dörp veur gedientjes veur in sloapkoamer.

Betje: Veur gedientjes? Wat mouten wie met gedientjes? Wie hebben thoes gedientjes in de sloapkoamer, mor dat huift hier toch nait?

Jannes: Derk wol geern gedientjes in sloapkoamer.

Trijn: Wat ja ollerwets. De zun mout der s mörgens toch in schienen kennen? Wat is dat nou inains veur flauwe kul?

Derk: Nou ja, dat is eh...ik vin dat veul gezelleger.

Trijn: Dus doe wolst in dit kippehok ook nog gedientjes veur de roamen? Bist ook laank nait wies he? Nou doe kofst die mor stof en naaist der zulf mor gedientjes van. Ik heb vekaansie. en pak nou mor eerst even de melk en sukker. (*Derk moakt kovver open en geeft melk en sukker.*)

Betje: Pak doe ons kovver ais even Jannes, den ken wie traktaaern op Grunneger kouke. Dij heb ik nog gauw even kocht op t Zuuderdaip bie bakker Knol. Aaigenlieks haar ik n pond wrakke latten kopen wilt, mor dij wazzen uutverkocht.

Derk: Wrakke latten?? Wolst an t timmeren den?

Betje: Wrakke latten? Doe waist zeker nait wat dat bennen? (*declameert*) K. is de kouke, dij is wereldbekend, n pond wrakke latten köst leufk mor acht cent. Dat is dus kantkouke mien jong en as je dij fris kennen kopen, den waist doe nait hou lekker dat is.

Trijn: Laank leden, dat ik dij had heb, mor ik ik lus ook geern n stukkie gewone kouw heur.

Jannes: (*rommelt in kovver om*) Woar hest doe dij kouw den hen stopt wicht? Ik zai hom nait.

Betje: Kiek den ais wat beder, ik haar hom tussen de handdouken legd.

Jannes: Gain kouke in elks geval en....verrek. hest doe dij flezze fladderak der ook weer oet hoald? Woarom hest dat doan?

Betje: Ik ben naargenswoar an west. Ast doe der n flezze fladderak in stopt hest, den mout dij der nog in zitten, want ik ben der nait weer bie west.

Jannes: Den het der aine bie zeten.

Derk: Dat ken toch nait. wie bennen der ja nait bie vot west.

Jannes: Hé en dij puut mollebonen is ook vot. Hou is dat in vredesnoam meugelk?

Trijn: Wie bennen even in keuken west.

Derk: En wie in sloapkoamer.

Trijn: Den bennen der hier rötten. Twijbainder rötten.

Betje: Roare toustand, wie bennen der ja mor even oet west, der ken nooit aine zo gauw wat oethoald hebben. Ik snap der niks van.

Jannes: (*drinkt zien kovvie oet*) Kom Derk, loat mor zitten, wie mouten eerst mor ais even noar t dörp

Derk: Loat wie dat mor doun. Ken wie ais kieken, wat ze hier zo aal te koop hebben. (*Soamen of*)

Trijn: Wat denkst Betje, zol dat mens, dij ons over de madde kwam der wat met te moaken hebben?

Betje: Doe mainst dij dikke duvel? Zol best kennen. Wie waiten niks van heur. Wie waiten allent mor, dat zai Grait hait, t ken wel n dikke swienepuut wezen. Nou ja, loat wie eerst dij keuken mor ais aanhemmeln.

Trijn: Liekt mie n goud idee, ik heb ais in dij koelkast keken. Doar ligt stoet in, dat is al wel drij joar old en n haalf pakkie botter met n proeke der op, doar kenst wel n grode proeke van moaken zo groot. (*Betje gaat of en Trijn moakt heur kovver weer dicht en brengt baaide kovvers noar de sl.koamer. Zai komt weerom mor op dat moment komt Marinus haalf en haalf binnen en Trijn kikt hom aan schrikt en gilt. Marinus moakt dat hai vot komt.*) Oeh, help!!! Goa vot vieze ....Help!!(*Betje komt noar binnen vlaigen*)

Betje: Wat is der hier an de hand?

Trijn: (*paniek*) Oeh...verschrikkelek.

Betje: Is der brand? Wat gebeurt der?

Trijn: Nee, mor ik ben ook ja zo ieselk schrokken van dij aldernoarst lelke boesjeude hier.

Betje: Boesjeude zegst doe? Mor dij bennen hier toch nait?

Trijn: Ik heb net aine zain. 't Was n echte monster. Apmoal hoar overaal, op gezicht en handen en op overaal. Mens ik tril over aal mien leden.

Betje: Nou mor doe huifst nait zo oet stuur te wezen. Kaalm an mor heur

Trijn: Oh, mor t was n echte spoukmonster

Betje: En doar bist doe zo van schrokken? Toch nait echt van n boesjeude, want dij bestoan nait.

Trijn: Nou en of dat n boesjeude was. Hai zugt der net zo oet, zoas mien moeke aaid zee.

Betje: Ken ik mie nait veurstellen.

Trijn: Nou, mor den leek hai der toch wel hail bod veul op.

Betje: Zel ik die ais wat vertellen Trijn? Den is dat de koukedaif.

Trijn: Koukedaif??

Betje: Joa, koukedaif en fladderakkedaif!!

Trijn: Wazzen der den twij?


Betje: Nee, tuurlieks nait, ik denk mor van ain en dij het ons bestolen.

Trijn: Zelt t zo wezen?

Als u het hele stuk wilt lezen dan kunt u via [www.toneeluitgeverijvink.nl](http://www.toneeluitgeverijvink.nl) de tekst bestellen en toevoegen aan uw zichtzending.

Voor advies of vragen helpen wij u graag.

 [info@toneeluitgeverijvink.nl](mailto:info@toneeluitgeverijvink.nl)

 072 5112407



**“Samenspelen” is ons motto**